

評審感言

閩南語 · 短篇小說 · 社會組

陳明仁

〈慢分〉

〈慢分〉是社會性真 kuân 的小說，主角是對坐監出來的，有受高等教育的是姓陳的，hōo 人騙去賣毒品，帶念初犯判 9 年，另外，是名定仔，高長大漢，錯手 kā 人 phah 死，判 10 年。

陳的出獄了後，定仔有貴人幫贊，tī 夜市割衫褲排擔，招陳的 tàu 做生理。

小說主要有幾條線，2 人 lóng 薰食真大，有想 beh 改，m̄-koh l pái 買 kui 條，講這條食了 tsiah 改，去 7-11 買物 lóng 會 koh 加買 2 條薰，suah 無法度改。趁 hioh 業 2 人分別去辦私事，定仔是 beh 去 tshuē 過去 kap 案底有關係的人，陳的去探老爸。

陳的和老爸爸囝關係無好，講無話。對門戶看阿爸怪怪，出力 kā 鐵門衝開，in 阿爸有性命危險，送病院。

這篇小說特色 tī 對話書寫簡明，氣口好，2 人出獄了後，有想 beh 改變，希望未來會去印度看 Holi 節，印度社會有種姓階級差別，這款「歡愉節」會 sái kā 染料的水潑貴族的身軀。Beh 去印度旅費真貴。階級觀念的解放也是理想性的象徵。

有意識流的筆路，koh 有心適的社會言語。真活氣的小說，得著評審共同的欣賞。

〈天公仔囡〉

這篇是專業書寫討海掠魚的小說。專掠煙仔虎大尾魚的船頂作業，beh 掠煙仔虎著愛用細尾煙仔做餌，船艙小箱放的煙仔餌愛活跳跳，tsiah 會 siánn 煙仔虎上釣。M̄-koh 煙仔本身 tshák 鼻的臭，hiàn 味對 beh 掠來食的煙仔虎，會起 siáu 狂。

出船前的準備檢查工作真重要，m̄-nā 裝備，連水箱也愛清理好勢，花無餌會眩死去。

主角慶生本底出海是許在，khah 少用釣竿，頂回 gíu 大尾煙仔虎，魚網破去，tu 著雨天無辦法補網仔，tsiah 改用釣竿。

這 piàn 駛去 Ke-lâng 港口 khah 遠的漁場 tu 好無別船競爭。慶生 12 歲開始做海 kha，8 年出師，了後福大命大，稱天公仔囡，伊是想 beh 有 ka-tī 囝 thang tàu kha 手。

結尾是 kap 海湧 tshia 拚，尾仔有一位生份人來替掌舵 huānn tǎi，是中年人叫阿爸！留神祕的結尾。

〈阿雲姨仔〉

〈阿雲姨仔〉是玄奇鬼怪作品。

透過秀麗這位角色去觀察神祕的阿雲姨仔。

作者對景氣的掌握相當幼秀，塑造阿雲姨仔這個角色會引起讀者的好玄。劉玉雲是阿雲姨仔的名，suah kā 神主牌仔 ka-tī 的名 tshāi tī 客廳。

故事講到水流屍、掠交替，倩道術高手的老仙來 beh 趕鬼，也無法度，操辦法事過程書寫斟 tsiok。

結局秀麗 leh 數念，順行流水愈溢愈遠，紅霞的色水漸漸顯烏——功力真好，內容 be-sái 透露 siūnn tsē！